

卷五

書名 重選唐音大成十四卷附錄一卷 嘉靖五年
刊本
撰者 明 邵天和 輯
卷 卷五
內容分類 集-總集-各代-唐
索書號 集部-總集-51
編號 D7841400

彩色首頁1

東洋文化研究所漢籍目錄 編號: D7841400
東洋文化研究所漢籍目錄所藏漢籍善本文影像資料庫 索書號: 集部-總集-51
漢籍善本文影像資料庫文本重選唐音大成十四卷附錄一卷 嘉靖五年刊本
版權所有: 東京大學 東洋文化研究所
使用上的注意事項

重選唐音大成卷之一

宜興邵天和節夫編校

始音

從軍行

楊炯

火照西京心中自不平
牙璋辭鳳闕鐵騎繞龍城
暗凋旗畫風多雜
鼓聲寧為百夫長
勝作一書生

劉生

本六郡年長入三秦
白壁酌知已黃金謝主人
生赤電馬足起紅塵
日莫歌鍾發喧動四隣

紫騮馬

重選唐音大成卷之四終

重選唐音大成卷之五

宜興邵天和節夫編校

正音四

七言律詩

奉和春日幸望春宮應制

蘇廷碩

東望望春春可憐更逢晴日柳含烟
宮中下見南山盡城上平臨北斗懸
細草偏承回輦處飛花故落舞觴前
宸游對此懽無極鳥啣歌聲雜管絃

和賈舍人早朝大明宮

王摩詰

絳幘雞人送報一作曉籌尚衣方進翠雲裘九天閭闔

開宮殿萬國衣冠拜冕旒日色纔臨仙掌動香烟欲
傍袞龍浮朝罷須裁五色詔珮聲歸到鳳池頭

奉和 聖製從蓬萊向興慶閣道中留春望

之作

渭水自縈秦塞曲黃山舊繞漢宮斜鑿輿迥出千門
柳閣道迴看上苑花雲裏帝城雙鳳闕雨中春樹萬
人家為乘陽氣行時令不是宸游重一作物莖

勅借岐王九成宮避暑

帝子遠辭丹鳳闕天書遙借翠微宮隔窻雲霧生衣
上卷幔山泉入鏡中林下水聲喧語笑巖前樹色隱

房攏仙家未必能勝此何處事一作吹簫向碧空

和太常韋主簿五郎寓日

漢主離宮接露臺秦川一半夕陽開青山盡是朱旂
繞碧澗翻從玉殿來新豐樹裏行人度小苑城邊獵
騎回聞道甘泉能獻賦懸知獨有子雲才

積雨輞川莊上

積雨空林烟火遲蒸蒸炊黍餉東菑漠漠水田飛白
鷺陰陰夏木轉黃鸝山中習靜觀朝槿松下清齋折
露葵野老與人爭席罷海鷗何事更相疑

酬郭給事

洞門高閣霽餘輝桃李陰陰柳絮飛禁裏踈鐘官舍
曉省中啼鳥吏人稀晨搖玉珮趨金殿夕奉天書拜
瑣闥強欲從君無那老將因卧病解朝衣

送楊少府貶柳州

明到衡山與洞庭若為秋月聽猿聲愁看北渚三湘
遠惡說南風五兩輕青草瘴時過夏口白頭浪裏見
出一作湓城長沙不久留才子賈誼何須弔屈平

酌酒與裴迪

酌酒與君君自寬人情翻覆似波瀾白首相知猶按
劍朱門先達笑彈冠草色全經細雨濕花枝欲動春

風寒世事浮雲何足問不如高卧且加餐

春日與裴迪過新昌里訪呂逸人不遇

桃源面面少風塵柳市南頭訪隱淪到門不敢題凡
鳥看竹何須問主人城外青山如屋裏東家流水入
西隣閉戶著書多歲月種松皆作老龍麟

早朝大明宮

賈幼隣

銀燭朝天紫陌長禁城春色曉蒼蒼千條弱柳垂青
瑣百轉流鶯繞建章劍珮聲隨玉墀步衣冠身惹御
爐香共沐恩波鳳池裏一作朝朝染翰侍君王

登安陽城樓

孟浩然

縣城南面漢江流江嶂開成南雍州才子乘春來騁
望群公暇日坐消憂樓臺晚映青山郭羅綺晴驕淥
水洲向夕波搖明月動更疑神女弄珠遊

黃鶴樓

崔顥

昔人已乘白雲去此地空餘黃鶴樓黃鶴一去不復
返白雲千載空悠悠晴川歷歷漢陽樹芳草萋萋鸚
鵡洲日暮鄉關何處是烟波江上使人愁

行經華陰

岩嶷太華俯咸京天外三峯削不成武帝祠前雲欲
散仙人掌上雨初晴河山北枕秦關險驛路西連漢

時平借問路傍名利客無如此處學長生

九日登仙臺呈劉明府

崔曙

漢文皇帝有高臺此日登臨曙色開三晉雲山皆北
向二陵風雨自東來關門令尹誰能識河上仙翁去
不回且欲近尋彭澤宰陶然共醉菊花杯

送王李二少府貶潭峽

高達夫

嗟君此別意何如駐馬銜杯問謫居巫峽啼猿數行
淚衡陽歸鴈幾封書青楓江上秋天遠白帝城邊古
木疎聖代只一作今多雨露暫時分手莫躊躇

送前衛縣李案少府

唐音卷之五
四
黃鳥翩翩楊柳垂春風送客使人悲怨別自驚千里
外論交却憶十年時雲開汶水孤帆遠路繞梁山足
馬遲此地從來可乘興留君不住益悽其

賀賈至早朝

岑參

雞鳴紫陌曙光寒鷺轉皇州春色闌金闕曉鐘開萬
戶玉階仙仗擁千官花迎劔珮星初落柳拂旌旗露
未乾獨有鳳凰池上客陽春一曲和皆難

和祠部王員外雪後早朝即事

長安雪後似春歸積素凝華連曙輝色借玉珂迷曉
騎光添銀燭晃朝衣西山落月臨天仗北闕晴雲捧

禁闈聞道仙郎歌白雪由來此曲和人稀

使君席夜送嚴河南赴長水

嬌歌急管雜青絲銀燭金杯映翠眉使君地主能相
送河尹天明坐莫辭春城月出人皆醉野戍花深馬
去遲寄聲報爾山翁道今日河南勝昔時

暮春虢州東亭送李司馬歸扶風別廬

柳鞦鴛鴦嬌花復殷紅亭綠酒送君還到來函谷愁中
月歸去磻溪夢裏山簾前春色應須惜世上浮名好
是閑西望鄉園關一作關腸欲斷對君衫袖淚痕斑

寄司勳盧員外

李頎

流澌臘月下河陽草色新年發建章秦地立春傳太
史漢宮題柱憶仙郎歸鴻欲度千門雪侍女新添五
夜香早晚薦雄文似者故人今已賦長楊

送魏萬之京

朝聞遊子唱離歌昨夜微霜初度河鴻鴈不堪愁裏
聽雲山況是客中過關城曙色催寒近御苑砧聲向
晚多莫是長安行樂處空令歲月易蹉跎

秋日東郊

皇甫茂政

閑看秋水心無事坐對寒松手自栽廬嶽高僧留榻
別茅山道上寄書來燕知社日辭巢去菊為重陽冒

雨開淺薄將何稱獻納臨期終日獨裴回

一作徘徊

同溫丹徒登高萬歲樓

高樓獨上思依依極浦遙山合翠微江客不堪頻北
望塞鴻何事復南飛丹陽古渡寒烟積瓜步空洲遠
樹稀聞道王師猶轉戰誰能談笑解重圍

早朝日寄所知

皇甫孝常

長安雪後見歸鴻紫禁朝天拜舞同曙色漸分雙闕
下漏聲遙在百花中鑪烟乍起開仙仗玉珮成行引
上公共荷發生同雨露不應黃葉久從風

秋夕寄懷契上人

已見槿花朝委露獨悲孤鶴在人群真僧出世心無
事靜夜名香手自焚窻臨絕澗同流水客至孤峯掃
白雲更想清晨誦經處獨看松上雪紛紛

送薛居士和州讀書

嚴正文

孤雲獨鶴共悠悠萬卷經書一葉舟楚地巢城民舍
少烟村社樹鷺胡秋蒿萊織妾晨炊黍隅地畊童夕
放牛年少不應辭苦節諸生喜遇一封侯

蘇臺至望亭驛人家盡空悵然有作寄從弟

紆

李從一

南浦菰蒲覆白蘋東吳黎庶逐黃巾野棠自發空流

水江鷺初歸不見人遠樹依依如送客平田渺渺獨
傷春那堪回首長洲苑烽火年年報虜塵

早秋京口贈張侍御

移家避寇逐行舟厭見南徐江水流吳地征徭非舊
日秣陵凋敝不宜勝一作秋千家閉戶無砧杵七夕何
人望斗牛一作有同時驄馬客偏題尺牘問窮愁

與從弟兵曹宴集

竹窻幽戶有佳期美酒香茶慰所思嗣輔外甥還解
易惠連群從總能詩簷前花落春深後谷口鶯啼日
暮時去路歸家仍待月垂鞭不控馬行遲

暮春宜陽郡齋愁坐忽聞枉劉七侍御詩因
以酬答

子規夜夜啼楮葉遠道逢春半是愁芳草伴人還易
老落花隨水亦東流山當睥睨常多雨地接近一作瀟
湘畏及秋惟羨君為周柱史手持黃紙到滄洲

獻南平王

劉文房

建牙吹角不聞喧亂世一作登壇衆所尊家散萬金
酬士死身持留一作一劔荅君恩漁陽老将多回席楚
一作魯國諸生半在門白馬翩翩春草細一作綠作邵陵西
去獵平原

送陸澧舍曹西上

長安此去欲何依先達誰當薦陸機日下鳳翔雙闕
迴雪中人去二陵稀舟從故里難移棹家在寒塘獨
掩扉臨水自傷流落日贈君空有淚沾衣

謫官後卧病官舍簡賀蘭侍御

青春衣繡共稱宜白首垂絲恨不違江上幾回今夜
月鏡中無復少年時生還北闕誰將引老向南方衆
所悲歲歲任池芳草綠長沙未有定歸期

別嚴士元

春風倚棹闔閭城水國春寒陰復晴細雨濕衣看不

見閑花落地聽無聲日斜江上孤帆影草綠湖南萬
里情東道若逢相識問青袍今已誤儒生

送柳使君赴袁州

宜陽出守新恩至京口因家始願違五柳閉門高士
去三苗按節遠人歸月明江路聞猿斷花暗山城見
吏稀惟有郡齋窻裏岫朝朝長一作空對謝玄暉

送李錄事兄歸襄陽

卜年多難與君同幾處移家逐轉蓬白首相逢征戰
後青春已過亂離中行人杳杳看西月歸馬蕭蕭向
北風漢水楚雲千萬里天涯此別恨無窮

青谿口送人歸岳州

洞庭何處鴈南飛江蒨蒼蒼客去稀帆帶夕陽千里
沒天連秋水一人歸黃花裊露開江岸白鳥銜魚上
釣磯岐路相逢無可贈老來一作年空有淚沾衣

自夏口至鸚鵡洲望岳陽寄阮中丞

汀洲無浪復無烟楚客相思益渺然漢口夕陽斜度
鳥洞庭秋水遠連天孤城背嶺寒吹角獨戍臨江夜
泊船賈誼上書憂漢室長沙謫去古今憐

登餘干城

孤城上與白雲齊萬古蕭條楚水西官舍已空秋草

沒女墻猶在夜鳥啼平沙渺渺迷人遠落日亭亭向
客低飛鳥不知陵谷變朝來莫去弋陽溪

過賈誼宅

三年謫宦此棲遲萬里惟留楚客悲秋草獨尋人去
後寒林空見日斜時漢文有道恩猶薄湘水無情弔
豈知寂寂江山搖落處憐君何事到天涯

長安春望

盧允言

東風吹雨過青山却望千門草色間家在夢中何日
到春來江上幾人還川原繚繞浮雲外宮闕參差落
照間誰念為儒逢世難獨將衰鬢客秦關

長安秋夜即事

九重深瑣禁城秋月過南宮漸暎樓紫陌夜深槐露
滴碧空雲盡火星流清風刻漏傳三殿甲第歌鍾樂
五侯楚客病來鄉思苦寂寥燈下不勝愁

晚次鄂州

雲開遠見漢陽城猶是孤帆一日程估客晝眠知浪
靜舟人夜語覺潮生三湘愁鬢逢秋色萬里歸心對
月明舊業已隨征戰盡更堪江上鼓鼙聲

酌暢當尋高岳麻道士

聞逐樵夫閑看碁忽逢人世是秦時開雲種玉嬾山

淺渡海傳書恠鶴遲陰洞石幢惟有字古壇松樹半
無枝煩君遠示青囊錄願得相從一問師

早春歸盤屋舊居寄耿諱

野日初晴麥隴分竹園村巷鹿成群萬家廢井生秋
草一樹繁花對古墳引水忽驚冰滿澗向田空見石
和雲可憐荒歲青山下惟有松枝可贈君

同題仙游觀

韓君平

仙臺初見五城樓風物淒淒宿雨收山色遙連秦樹
晚砧聲近報漢宮秋踈松影落空壇靜細草春香小
洞幽何用別尋方外去人間亦自有丹丘

送長沙李少府入蜀

行行獨出故關遲南望千山無盡期見舞巴童應暫
笑聞歌蜀道又堪悲孤城晚閉清江上疋馬寒嘶白
露時別後此心君自見山中何事不相思

送友人遊江南

耿諱

遠別悠悠白髮新江潭何處是通津潮聲偏懼初來
客海味惟甘久住人漠漠烟光漁浦晚青青草色定
山春汀洲更有南回鴈亂起聯翩北向秦

和李員外扈幸溫泉宮

錢仲文

未央月曉度踈鐘鳳輦時巡出九重雪霽山門迎瑞

日雲開水殿候飛龍輕寒不入宮中樹佳氣常浮仗
外峯遙羨枚臯扈仙蹕偏承霄漢渥恩濃

贈闕下裴舍人

二月黃鸝飛上林春城紫禁晚陰陰長樂鐘聲花外
盡龍池柳色雨中深陽和不散窮途恨霄漢常懸捧
日心獻賦十年猶未遇休將短髮戴華簪一作羞將
白髮對華

山中酬楊補闕見過

日暖風恬種藥時紅泉翠壁薜蘿垂幽谿鹿過苔還
靜深樹雲來鳥不知青草一作同心多逸興春山載

酒遠相隨却慚身外牽纓冕未免杯前一作未倒接

離

幽居春暮書懷

自笑鄙夫多野興貧居數畝半臨湍谿雲雜雨來茅
屋山鳥將雛傍藥欄仙籙滿床閑不厭陰符在篋老
羞看更憐童子宜春服花裏尋師到杏壇

寄韋司直

郎君胄

聞君感歎二毛初舊友相依萬里餘烽戍有時驚暫
定甲兵無何一作處可安居客來吳地星霜久家在平
陵音信踈昨夜東風還入戶登山臨水復何如

酬張芬赦後見寄

司空文明

紫鳳朝嚙五色書陽春忽布網羅除已將心變寒灰
後豈料光生腐草餘建水風烟收客淚杜陵花竹夢
郊居勞君故有詩相贈欲報瓊瑤愧不如

酬李端見贈

綠槐垂穗乳鳥飛忽憶山中獨未歸青鏡流年看髮
變白雲芳草與心違乍逢酒客春遊慣久別林僧夜
坐稀昨日聞君到城郭莫將簪弁勝荷衣

宿淮浦寄司空曙

李端

愁心一倍長離憂夜思千重戀舊遊秦地故人成遠

夢楚天涼雨在孤舟諸谿近海潮皆應獨樹邊淮葉
盡流別恨轉深何處寫前程惟有一登樓

夏夜宿表兄宅話舊

竇遺直

夜合花開香滿庭夜深微雨醉初醒遠書珍重何曾
達舊事淒涼不可聽去日兒童皆老一作長大昔年親
友半凋零明朝又是孤舟別愁見河橋酒幔青

登柳州城樓寄漳汀封連

柳子厚

城上高樓接大荒海天愁思正茫茫驚風亂颭芙蓉
水密雨斜侵薜荔墻嶺樹重遮千里月一作日江流曲
似九回腸共來百越文身地猶自音書滯一鄉

別舍弟宗一

零落殘魂倍惘然雙垂別淚越江邊
一身去國六千里萬死投荒十二年
桂嶺瘴來雲似黑洞庭春盡水如天
欲知此後相思夢長在荆門郢樹烟

早春五門西望

王仲初

百官朝下五門西塵起春風滿御堤
黃帕蓋鞍呈了過一作馬紅羅纏項鬪回雞館松枝重墻頭出
渠柳條長水面齊惟有教坊南草色
古城陰處冷萋萋

周家谿亭

少年因病離天仗乞得歸來自養身
買斷竹谿無別

主散分泉石與新隣山頭塵下長
驚犬池面魚遊不怕人鄉使到門常
款語還聞世上有功臣

寒食內宴

張文昌

城闕沉沉向曉寒恩當冷節賜餘
懽瑞烟入處開三殿香雨微時引
百官寶樹樓前分繡幕綵花廊下
映華一作朱欄宮筵戲樂年年別
已得三回對御看

送楊少府赴鳳翔

詩名往日動長安首首人家卷東
看西學已行秦博士南宮新拜漢
郎官得錢抵擬還書鋪借宅常時
事藥欄今去岐州生計薄移居偏
近隴頭寒

送韓侍御歸山

聞君夕卧在雲間為佐嫖姚未得還
新結茅廬招隱逸獨騎驄馬入深山
九靈洞口行應到五粒松枝醉亦攀
明日珂聲出城去家僮不復掃柴關

送汀州元使君

曾成趙北歸朝計因拜王門最好官
為郡暫辭雙鳳闕全家遠過九龍灘
山鄉祇有輸蕉戶水鎮應多養鴨欄
地僻尋常來客少刺桐花發共誰看

寄陸渾趙明府

與君學省同官處常日相隨說道情
新作陸渾山縣

長早知三禮甲科名郭中時有仙人住
城上應多藥草生公事稀踈來客少何妨
着履獨閑行

西塞懷古

劉夢得

玉瀟樓船下益州金陵王氣漠一作黯然收
千尋鐵鎖沉江底一片降旗出石頭
人世幾回傷往事山形依舊枕寒流
今逢四海為家日故壘蕭蕭蘆荻秋

松滋渡望峽中

渡頭輕雨洒寒梅雲際溶溶雪水來
夢渚草長迷楚望夷陵土黑有秦灰
巴人淚應猿聲落蜀客船從鳥道回
十二碧峯何處所永安宮外是一作荒臺

錦瑟

李義山

錦瑟無端五十絃一絃一柱思華年
莊生曉夢迷蝴蝶望帝春心託杜鵑
滄海月明珠有淚藍田日暖玉生烟
此情可待成追憶只是當時已惘然

茂陵

漢家天馬出蒲梢首宿榴花徧近郊
內苑只知銜鳳嘴屬車無復挿雞翹
玉桃偷得憐方朔金屋粧成貯阿嬌
誰料蘇卿老歸國茂陵松栢雨瀟瀟

馬嵬

海外徒聞更九州他生未卜此生休
空聞虎旅鳴宵

折無復雞人報曉籌此日六軍同駐馬
當時七夕笑牽牛如何四紀為天子
不及盧家有莫愁

籌筆驛

魚鳥猶疑畏簡書風雲長為護儲胥
徒令上將揮神筆終見降王走傳車
管樂有才終不忝關張無命欲復一作何如
他年錦里經一作還祠廟梁甫吟成恨有餘

隋宮

紫泉宮殿鎖烟霞欲取燕城作帝家
王璽不緣歸日角錦帆應是到天涯
于今腐草無螢火終古垂楊有莫鴉
地下若逢陳後主豈宜重問後庭花

登洛陽故城

許用晦

禾黍離離半野蒿昔人城此豈知勞水聲東去市朝
變山勢北來宮殿高鴉噪暮雲歸古堞鴈迷寒雨下
空壕可憐緱嶺登仙子猶自吹笙醉碧桃

金陵懷古

玉樹歌殘王氣終景陽兵合戍樓空楸梧遠近千官
塚禾黍高低六代宮石燕拂雲晴亦雨江豚吹浪夜
還風英雄一去豪華盡惟有青山似洛中

凌歊臺

宋祖凌歊樂未回三千歌舞宿層臺湘潭雲盡暮山

出巴蜀雪消春水來行殿有基荒齋合寢園無主野
棠開百年便作萬年計巖畔古碑空綠苔

驪山

聞說先皇醉碧桃日華搖動鬱金袍風隨玉輦笙歌
迥雲卷珠簾劔珮高鳳駕北歸春山一作寂寂龍輿西
幸水滔滔娥眉沒後巡遊少瓦落宮墻見野蒿

咸陽城東樓

一作獨上高城萬古愁蕪葭楊柳似汀洲溪雲初起
日沉閣山雨欲來風滿樓鳥下綠蕪秦苑夕蟬鳴黃
葉漢宮秋行人莫問當年事故國東來渭水流

送蕭處士歸緱山

醉斜烏帽髮如絲，曾看仙人一局棋。
賓館有魚為客，久鄉書無鴈到家。
遲緱山住近，吹簫廟湘水行。
逢鼓瑟祠今夜月，明何處宿九疑雲。
盡綠一作碧參差。

晚自朝臺至韋隱居郊園

秋來鳧鴈下方塘，繫馬朝臺步夕陽。
村逕繞山松葉暗，柴門流水稻花香。
雲連海氣琴書潤，風帶潮聲枕簟涼。
西去磻谿猶萬里，可能垂白待文王。

四皓廟

桂花松暖廟門開，獨瀉椒漿奠一杯。
秦法欲興鴻已

去漢諸將廢，鳳還來紫芝翳翳多。
青草白石蒼蒼半，綠苔山下驛程南。
竄路不知冠蓋幾人回。

七言排律附

寄賀田侍中功成

王仲初

使回高品滿城傳，新見沂公在陣前。
百里旂幡衝即斷，兩重衣甲射皆穿。
探知點檢兵應怯，筭得新移柵未慳。
營被數驚乘勢破，將經頻敗遂生全。
密招殘寇防人覺，遙斬元兇恐自專。
首讓諸君無敢近，功歸部曲不爭先。
開通州縣斜連海，交割山川直到燕。
戰馬散駘還逐草，肉牛齊敗却耕田。
府中獨拜將軍貴，門

下兼分宰相權唐史上頭功第一春風雙珮好朝天

送裴相公上太原

還攜堂印向并州將相兼權是武侯時難獨當天
事功成却進手中籌再三陳乞鑪烟裏前後分張玉
按頭朱架早朝排立戟綠槐殘雨看張油遙知鴈塞
從今好直到漁陽以北愁邊鋪恐巡旂盡換山城欲
過館重修千群白刃兵迎節十對紅妝妓打毬聖主
分明教暫去不須高起見京樓

重選唐音大成卷之五終





上海圖書館藏書

